

Instrumenten darzu dienstlich von der Mutter bringen. Weil aber vnmüglich/ das in solcher Herken noth/ dieses die Frauen/ als ein arm zaghaftig Creatur/ mit Zangen/ Eysen/ Haken/ Messern/ Hammern/ Fliten vnd dergleichen Chirurgischen Instrumenten außrichten oder verbringen solten/ sondern dazu wol ein Wundarzt/ oder erfahrner Chirurgus erfordert werden sol: Als wil ich dieser angst Chur hie nicht gedencken. Der Proceß/ wie man es fürnehmen sol/ ist in den Practicanten zu finden/ vnd sonderlich im Roderico de Castro l. 4. c. 2. de morbis mulierum.

Das XI. Capittel.

De causis Abortus.

Von den Ursachen der Mißgeburt/ oder vnzeitigen gebeeren.

Derweil vnzeitig gebeeren / vnd außfliessen der Empfangenen Geburt für der zeit sich offtmals zutragt/ so wil ich von diesem nothwendigen stück desto fleißiger handeln / vnd dauon in dreyen unterschiedlichen Capitteln bericht thun. Erstlich / de causis Abortus, was ursache gebe zur vnzeitlichen Geburt / auß welcher ursachen betrachtung die lieben Mütter sich desto besser fürsehen können / auff das sie dort an jenem Tage rechte Rechenenschaft zu geben wissen. Zum Andern/ was für Zeichen der vnzeitlichen Geburt pflegen fürher zu gehen / damit sie der sachen gewiß sind / vnd sich desto ehe mit Arkeney/ oder der Chur versorgen mögen. Zum Dritten vnd Letzten/ wil ich vnterricht geben / wie sie diesem großen vnglück sollen fürkommen/ vnd weil ohne das / zu solchen fällen die